

續
文
獻
通
考

文獻通考卷之二百一

皇明進士雲間王圻纂輯

道統考 翼統先儒二

東漢

高詡字季四平原般人曾祖父嘉以魯詩授元帝父容傳家學哀平間爲光祿大夫詡以父任爲郎中世傳魯詩信行清操知名當世莽篡位父子相瘖不仕光武即位以宋弘薦徵爲郎遷博士拜大司農在朝以方正稱卒賜錢置冢田

咸字子良會稽曲阿人少遊長安師事博士右師細君習魯詩論語王莽時去歸鄉里徙任東海立精舍教授

光武即位乃歸家太守黃讜署戶曹史欲召咸入授子
咸曰禮有來學而無往教讜遂遣子師之舉孝廉除
中郎建武初入授太子論語又爲其章句拜諫議大夫
右中郎將遷大鴻臚每進見錫以几杖入朝不趨贊拜
不名經傳有疑遣小黄門就問顯宗以咸有師傅恩而
素清苦常賞賜珍玩束帛俸祿增于諸卿咸皆散與諸
生之貧者年七十二卒于官子福拜郎中亦以論語入
授和帝

劉昆字桓公陳留東昏人梁孝王子胤也少習容禮平帝
時父施氏易於沛人戴賓能彈雅琴知清角之操王莽
徵昆弟子恒五百餘人每春秋舉射常備列典儀以

素木瓠葉爲俎豆桑弧蒿矢以射兎首每有行禮縣宰輒率吏屬而觀之王莽以昆多聚徒衆私行大禮有脩上心乃繫昆及家屬於外黃獄莽敗得免既天下大亂昆避難河南負嶺山中建武五年舉孝廉不行遂逃教授於江陵光武聞之除爲江陵令時縣連年大灾昆向火叩頭輒能降雨止風徵拜議郎稍遷侍中弘農大守先是殺兎驛道多虎行旅不通昆爲政三年虎皆負子渡河帝聞而異之二十二年徵代杜林爲光祿勳問曰前在江陵反風滅火後守弘農虎北渡河行何德政而致是事昆對曰偶然耳左右皆笑其實訥帝歎曰此乃長者之言願命書諸策乃令以經入授皇太子及諸王

小侯五十餘人二十七年拜騎都尉三十年以老乞骸
詔賜洛陽第舍以千石祿終其身中元二年卒子軼
字素文傳昆業門徒亦盛永平中爲太子中庶子建初
中稍遷宗正卒官遂世掌宗正焉

注丹字子玉注音通南陽育陽人也世傳孟氏易王莽時
常避世教授專志不仕徒衆數百人建武初爲博士稍
遷十一年爲大鴻臚作易通論七篇世號注君通丹學
義研深易家宗之稱爲大儒十七年卒於官年七十時
中山雋陽鴻字孟孫亦以孟氏易教授有名稱永平中
爲少府

安字定祖廣漢綿竹人少遊太學受孟氏易兼通數經

又從同郡楊厚學圖識究極其術時人稱曰欲知仲祖
問任安又曰居今行古任定祖學終還家教授諸生自
遠而至初任州郡太尉再辟除博士公車徵皆稱疾不
就州牧劉焉表薦之時王塗隔塞詔命竟不至年七十
九建安七年卒于家

楊政字子行京兆人少好學從代郡范升受梁丘易善說
經書京師爲之語曰說經鏗鏘楊子行教授數百人范
升嘗爲出婦所告坐繫獄政乃肉袒以箭貫耳抱升于
潜伏道傍持章叩車駕乞哀武騎虎賁懼驚乘輿舉弓
射之不肯去旄頭又以戟入政傷脅猶不退泣請有感
帝心詔出升政由是顯名政爲人嗜酒不拘小節果敢

日矜然篤於義時帝壻梁松皇后弟陰就皆慕其名請
交友政每言論切磋懇至不爲屈撓嘗詣楊虛侯馬
武稱疾不爲起政入戶徑升牀排武臂責之武諸子及
左右皆大譴以爲見劫操兵滿側政顏色自若會陰就
至得解其剛果任情皆如此建初中官至左中郎將

張興字君上潁川鄆陵人習梁丘易以教授建武中舉孝
廉爲郎謝病去復歸聚徒後辟司馬馮勤府舉爲孝廉
稍遷博士永年初遷侍中祭酒十年拜太子少傅顯宗
數訪問經術既而興弟京聞弟子自遠至者著錄且萬
言爲梁丘家宗十四年京於官子魴傳興業位至張掖

戴嵩字次仲汝南平輿人習京氏易年十六郡舉明經徵
試博士拜郎中光武詔公卿大會群臣皆就席邁獨立
曰博士說經皆不如臣而坐居臣上是以不得就席遂
召上殿今與諸儒難說帝善之拜爲侍中帝謂邁曰侍
中當匡補國政勿有隱情邁對曰陛下嚴帝曰朕何用
嚴邁曰伏見前太尉西曹掾蔣遵清亮忠孝學通古今
陛下納膚受之愬遂致禁錮臣以是爲嚴帝怒曰汝南
子欲復黨乎邁出自繫廷尉有詔勅出後復引見邁謝
曰臣無塞諤之節而有狂瞽之言不能以尸伏諫偷生
苟活誠慙聖朝帝即勅尚書解還禁錮拜邁虎賁中郎
將以待中兼領之正旦朝賀百僚畢會帝令群臣能說

經者更相難詰義有不通輒奪其庸以益通者遇遠重
坐五十餘席故京師爲之語曰解經不窮戴侍中在職
十八年卒於官賜東園梓器錢二十萬時南陽太守魏
滿字叔牙亦習京氏易教授永平中至弘農太守

孫期字仲或濟陰成武人少爲諸生習京氏易古文尚書
家貧事母至孝收豕於大澤中以奉養遠人從其學者
皆執經壘畔以追之里落化其仁讓黃巾賊起過期里
陌相約不犯孫先生舍郡舉方正遣吏齎羊酒請期期
驅豕入草不顧司徒黃琬特辟不行終於家建武中范
升傳孟氏易以授楊政而陳元鄭衆皆傳費氏易其後
馬融亦受其傳融授鄭玄玄作易注荀爽又作易傳自

是賈氏興而京氏遂衰

歐陽歙字王思樂安千乘人自歐陽生傳伏生尚書至歙八世皆爲博士歙旣傳業而謙恭好禮讓王莽時爲長社宰更始立爲原武令光武平河北到原武見歙在縣修政遷河南都尉後行太守事光武即位始爲河南尹封被陽侯建武五年坐事免官明年拜楊州牧遷汝南太守推用賢俊政稱異迹更封夜侯歙在郡教授數百人視事九歲徵爲大司徒坐在汝南贓罪千餘萬發覺下獄諸生守闕爲歙求哀者千餘人至有自兒剔者平原禮震年十七聞獄當斷馳之京師行到河內獲嘉縣自繫上書求代歙死曰伏見臣師大司徒歐陽歙學爲

儒宗八世博士而以賊咎當伏重辜歛門弟子勿未能
傳學身死之後求爲廢絕上令陛下獲殺賢之譏下使
學者喪師資之益乞殺身以代歛命書奏而歛已死獄
中歛掾陳元上書追訟之言甚切至帝乃賜棺木贈印
綬賻縑三千匹子復嗣後卒無子國除濟陰曹魯字伯
山從歛受尚書門徒三千人位至諫議大夫子祉河南
尹傳父業教授又陳留陳弁字叔明亦授歐陽尚書於
司徒丁鴻仕爲蘄長

牟長字君高樂安臨濟人其先封牟春秋之末國滅因氏
焉長沙習歐陽尚書不仕王莽建武二年大司空弘牧
辟拜博士稍遷河內太守坐愆田不實免長自爲博士

及在河內諸生講學者常有千人著錄前後萬言者尚書章句皆本之歐陽氏俗號爲牟氏章句復徵爲中散大夫一歲卒于家子紆又以隱居教授門生千人肅宗聞而徵之欲以爲博士中道物故

宋登字叔陽京兆長安人父由爲太尉登少傳歐陽尚書教授數千人爲汝陰令政爲明能號稱神父遷趙相入爲尚書僕射順帝以登明識禮樂使持節臨太學奏定典律再拜侍中數上封事抑退權臣由是出爲潁川太守市無二價道不拾遺病免卒于家汝陰人配社祠之張馴字子雋濟陰定陶人少游太學能誦春秋左氏傳以大夏侯尚書教授辟公府舉高第拜議郎與蔡邕共奏

續文獻通考 卷之三
定六經文字擢拜侍中典領秘書近署多因便宜陳政得失朝廷嘉之遷丹陽太守化有惠政光和七年徵拜尚書大司農初平中卒於官

尹敏字幼季南陽堵陽人少爲諸生初習歐陽尚書後授古文兼善毛詩穀梁左氏春秋建武二年上疏陳洪範消災之術時光武方草創未遑命敏待詔公車拜郎中辟大司空府常以敏博通經記令校圖讖對曰讖書非聖人所作其中多近鄙別字頗類世俗之辭恐疑誤後主帝深非之雖竟不罪而亦以此沈滯與班彪親善每相遇輒曰盱忘食夜分不寢自以爲鍾期伯牙莊周惠施之相得也後三遷長陵令永平五年詔書摘男子周

慮慮素有名稱而善於敏敏坐繫先官十一年除郎中
遷諫議大夫卒於家

周防字偉公汝南汝陽人父楊少孤微常修逆旅以供過
客而不受其報防年十六仕郡小吏光武延狩汝南召
掾史試經防尤能誦讀拜爲守丞防以未冠謁去師事
徐州刺史蓋豫受古文尚書經明舉孝廉拜郎中撰尚
書雜記三十二篇四十萬言太尉張禹薦補博士稍遷
陳留太守坐法免卒於家年七十八子舉

孔僖字仲和魯人自安國以下世傳古文尚書毛詩魯祖
父子建少遊長安與崔篆友善及篆仕王莽爲建新大
尹嘗勸子建仕對曰吾有布衣之心子懷軒冕之志各

從所好不亦善乎道旣乖矣請從此辭歸終於家僖與
崔篆孫駟復相友善同遊太學習春秋因讀吳王夫差
時事僖廢書歎曰若是所謂畫虎不成反爲狗者駟曰
然昔孝武皇帝始爲天子年方十八崇信聖道五六年
間號勝文景及後恣已忘其前之爲善僖曰書傳若此
多矣鄰房生梁都僂和之曰如此武帝亦是狗耶僖駟
默然不對都怒恨之陰上書告駟僖誹謗先帝刺譏當
世事下有司駟詣吏受訊僖以吏捕方至恐誅乃上書
肅宗自訟曰昔齊桓公親揚其先君之惡以倡管仲然
後群臣得盡其心今陛下乃欲以十世之武帝遠諱實
事豈不與桓公異哉帝始亦無罪僖等意及書奏立詔

勿問拜僖蘭臺令史元和二年春帝東巡狩還過魯至
闕里以太牢祀孔子及七十二人大會孔氏男子二十
以上者六十三人命儒者講論語遂拜僖郎中賜褒成
侯及孔氏男女錢帛詔僖從還京師使校書東觀冬拜
臨晉令崔駰以家林箠之謂爲不吉止僖曰子盍辭乎
僖曰學不爲人仕不擇官凶吉由已而由卜乎在縣三
年卒於官遺令即葬二子長秀季彥並十餘歲蒲坂令
許君然勸令反魯對曰今載柩而歸則違父命舍墓而
去心所不忍遂留華陰長秀好章句學季彥守其家業
門徒數百人延光元年河西大雨雹安帝詔有道術之
士極陳變書召季彥見於德陽殿帝親問其故對曰此

皆陰乘陽之徵也今貴臣擅權母后黨盛陛下宜修聖德慮此二者帝嘿然左右皆惡之舉孝廉不就年四十五終於家

楊倫字仲理陳留東昏人少爲諸生師事司徒丁鴻習古文尚書爲郡文學掾遂去職不復應州郡命講授於大澤中弟子至千餘人元初中特徵博士爲清河王傅安帝崩倫輒棄官奔喪號泣闕下不聽閭太后以其專擅去職坐抵罪順帝即位詔免倫刑遂留行喪于恭陵服闋徵拜侍中時邵陵令任嘉在職貪穢因遷武威太守後有人奏嘉賊罪千萬徵考廷尉牽染將相大臣百有餘人倫乃上言齊桓之霸殺姦臣五人并及舉者以

張謐諫聖王所以陳僮天匹婦之言者猶屋加嵩低霧
集淮海才有益不爲損也書奏有司以辭不遜順下
之尚書坐不敬結是蕭詔書以儉進忠言特原之免
歸田里陽嘉二年徵拜太中大夫將軍梁商以爲長史
諫諍不合出補恒山王傳病不之官詔書勅司隸催促
發遣倫乃留河內朝歌以疾自上曰有留死一尺無北
行一寸刎頸不易九裂不恨匹夫所執彊於三軍固敢
有辭帝乃下詔曰倫出幽升高寵以藩傳稽留王命擅
止道路託疾自從苟肆徇志遂徵請廷尉尋有詔原罪
倫前後三徵皆以直諫不合旣歸閉門講授公車復聘
固遜不行卒于家

按漢室中興北海牟融習大夏侯尚書東海王良習小夏侯尚書沛國桓榮習魯陽尚書世相傳授東京最盛扶風杜林傳古文尚書同郡賈逵爲之作訓焉融作傳鄭玄注解由是古文尚書遂顯于世

杜子春東漢河南緱氏人通周官周官蓋周公官政之法於河間獻王獨闕冬官一篇獻王賸以千金不得遂取考工記以補其闕合成六篇奏之至成帝時黃門郎劉歆表而出之周禮始得列序著于錄略王莽置博士以行于世杜子春受業劉歆歆識其家于南山因以獻其師里東平昭三十九十猶能誦說時鄭玄賈逵往受

業以發明其說著周禮解後馬融作周官傳以受鄭玄
作周官註皆祖子春云子春又明易夏曰連山殷曰歸
藏子春曰連山伏羲歸藏黃帝當必有所指云

翹應字君伯任城人少好學建武初詣博士受業習魯詩
閉門誦習不交僚黨後歸爲郡吏舉明經除濟陰王文
學以疾免官教授山澤中徒衆常數百人永平初爲博
士再遷侍中十三年遷大鴻臚十八年光祿大夫建初
四年拜五官中郎將應經明行修弟子遠方來至者著
錄數千人肅宗甚重之數進見論難於前特授賞賜時
會京師諸儒於白虎觀講論五經同異使應專掌難問
侍中淳于恭奏之帝親臨幸稱制如石渠故事明年出

爲上黨太守徵拜騎都尉卒於官

伏湛字惠公琅邪東武人九世祖勝所謂濟南伏王也父理爲當世名儒以詩授成帝湛性孝友少傳父業教授數百人更始立以爲平原太守時天下騷擾而湛獨晏然教授不廢謂其子曰一穀不登國君徹膳今民皆饑奈何獨飽乃共食麤糲悉分俸祿以賑鄉里於是吏人信向郡內以安光武徵拜大司徒封陽侯時徐異卿等據富平連攻不下唯云願降司徒伏公帝知湛爲清徐所信向遣到平原異卿等即降湛雖在舍卒造次必敬文德以爲禮樂教化之首是歲奏行鄉飲酒禮遂施行之後漢書見杜詩二

寧湛經爲人師行爲義表容貌堂堂國之光輝智略謀慮朝之淵藪結髮爲志白首不衰柱石之臣宜居輔弼十三年中暑病卒初自伏生已後世傳經學清淨無競故東川號爲伏不聞子隆

伏恭字叔齊司徒湛之兄子也湛弟黯字稚文以明齊詩改定章句作解說九篇位至光祿勳無子以恭爲後恭性孝事所繼母甚謹少傳黯任爲郎建武四年除劇令視事十三年以惠政公廉聞青州舉爲尤異太常試經第一拜博士遷常山太守敦修學校教授不輟由是北州多爲伏氏學永平二年代梁松爲太僕四年帝臨辟雍於行禮中拜恭爲司空儒者以爲榮初父黯章句繁

多恭乃省減浮辭定爲二十萬言在位九年以病乞骸
骨罷詔賜千石俸以終其身十五年行幸琅邪引遇如
三公儀建初二年冬肅宗行饗禮以恭爲三老年九十
元和元年卒賜葬顯節陵下子壽官東郡太守

任末字叔本蜀郡繁人也少習齊詩遊京師教授十餘年
友人董奉德於洛陽病亡末躬推鹿車載其喪致墓所
由是知名爲郡功曹辭以病免後奉師喪於道物故臨
命勅兄子道曰必致我尸於師門使死而有知魂靈不
慚如其無知得土而已造從之

景繹字漢伯少隨師學涉七州之地能理齊
詩施氏易書及詩經作易說及詩經文句謙取何

以類相從名爲交集又撰禮內外記號曰禮略又抄
風角雜書例其占驗作輿道一篇及作月令章句凡所
著述五十餘萬言數上書陳救災變之術州郡辟命不
就以壽終

薛漢字公子淮陽人也世習韓詩父子以章句著名漢少
傳父業善說災異織緯教授常數百建武初爲博士受
詔校定圖讖當世言詩者推漢爲長永平中爲千乘太
中政有異迹後坐楚事辭相連下獄死弟子健爲杜撫
會稽滄臺敬伯鉅鹿韓伯高最知名

杜撫字叔和犍爲武陽人少有高才受業於薛漢定韓詩
章句後歸鄉里教授沈靜樂道舉動必以禮弟子千餘

人後爲驃騎將軍東平王倉所辟及倉就國掾史悉補王官屬未滿歲皆効歸時撫爲大夫不忍去蒼聞賜車馬財物遣之辟太尉府建初中爲公車令數月卒于官其所作詩題約義通學者傳之曰杜君注云

杜馴字伯春九江壽春人曾祖信臣元帝時爲少府父建武中爲卷令傲儼不拘小節馴少習韓詩傳通書傳以志義聞鄉里號之曰德行恂恂召伯春累仕州郡辟司徒府建初元年稍遷騎都尉侍講肅宗拜左中郎將入授諸王帝嘉其義學恩寵甚榮出拜陳留太守賜刀劍錢物元和二年入爲河南尹章和二年代任隗爲光祿勳卒於官賜家塋塋培園陵孫休位至青州刺史

楊仁字文義巴郡閬中人建武中詣師習韓詩數年歸靜
居教授仕郡爲功曹舉孝廉除郎太常上仁經中博士
仁自以年未五十不應顯宗特詔補北宮衛士令引見
問當世政迹仁對以寬和任賢抑黜驕成爲先又上便
宜十二事皆當世急務帝嘉之賜以縑錢及帝崩時諸
馬貴盛各爭欲入宮仁披甲持戟嚴勒門衛莫敢進者
肅宗既立諸馬共讚仁刻峻帝知其忠愈善之拜什邡
令爲政寬惠勸課掾史弟子悉令入學其有通明經術
者顯之右署或貢之朝由是義學大興懇田千餘頃以
兄喪去官後辟司徒桓虞府掾有宋章者貪奢不法仁
終不與交言同席時人畏其節後爲閬中令卒於官

趙畢字長君會稽山陰人少嘗爲縣吏奉檄迎督郵畢耻於胥役遂棄車馬到健爲詣杜撫受韓詩究竟其術積二十年絕問不還家撫卒爲發喪制服乃歸州召補從事不就卒于家著吳越春秋詩細蔡邕讀詩細而嘆息以爲長於論衡邕還京師傳之學者咸誦習焉時山陽張匡字文通亦習韓詩作章句後舉有道博士徵不就卒于家

衛宏字敬仲東海人少與河南鄭興俱好古初九江謝曼卿善毛詩宏從曼卿受學因作毛詩序善得風雅之旨傳於世後從大司空杜林更受古文尚書爲作訓詁時濟南徐巡師事宏後從林受學亦以儒顯由是古學大

興光武以爲詠即宏作漢循循四篇以載西京雜事又
著賦頌誄七首皆傳於世中興後鄭衆賈逵傳毛詩後
馬融作毛詩傳鄭玄作毛詩箋

董鈞字文伯犍爲資中人習慶氏禮事大鴻臚王臨元始
中舉明經遷廩犧令病去官建武中舉孝廉辟司徒府
鈞博通古今數言政事永平中爲博士時草創五郊祭
祀及宗廟禮樂成儀章服輒令鈞參議多見從用當世
稱爲通儒累遷五官中郎將嘗教授門人百餘人後坐
事左轉騎都尉年七十餘卒於家初鄭衆傳周官于鈞
後馬融作周官傳授鄭玄玄作周官註玄本習小戴禮
後以古經校之取其義長者故爲鄭氏學玄又註小戴

所傳禮記四十篇通爲三禮焉

丁恭字子然山陽東鄉人習公羊嚴氏春秋恭學義精明教授常數百人州郡請召不應建武初爲諫議大夫博士封關內侯十一年遷少府諸生自遠方至者著錄數千人當世稱爲大儒太常樓望侍中承宮長水校尉樊豐等皆受業於恭二十年拜侍中祭酒騎都尉與侍中劉昆俱在光武左右每事諮訪焉卒於官

周澤字穉都北海安丘人少習公羊嚴氏春秋隱居教授門徒常數百建武末辟大司馬府署議曹祭酒數月徵試博士中元元年遷屯田令奉公尅己矜恤孤羸吏民歸愛之永平五年遷右中郎將十年拜太常澤果敢直

言數有據爭後北地太守廖信坐貪穢下獄没人財產
顯宗以信贓物頒諸廉吏唯澤及光祿勳孫堪大司農
冲特蒙賜焉是時京師翕然在位者咸自勉勵十二年
以澤行司徒事澤性簡忽威儀頗失宰相之望數月復
爲太常清潔循行敬宗朝嘗卧病齋宮其妻哀澤老病
闕問所苦澤大怒以妻干犯齋禁遂收送詔獄謝罪當
世疑其詭激時人爲之語曰生世不諧作太常妻一歲
三百六十日三百五十九日齋一日不齋醉如泥十八
年拜侍中騎都尉後數爲三老五更建初中致仕卒於
家

鍾興字次文汝南汝陽人少從少府丁恭受嚴氏春秋恭

薦興學行高明光武召見問以經義應對甚明帝善之
拜郎中稍遷左中郎將詔令定春秋章句去其復重以
授皇太子又使宗室諸侯從興受章句封關內侯興自
以無功不敢受爵帝曰生教訓太子及諸王侯非大功
耶興曰臣師丁恭於是復封恭而興遂固辭不受爵卒
於官

甄宇字長文北海安丘人清淨少欲習嚴氏春秋教授常
數百人建武中爲州從事徵拜博士稍遷太子太傅卒
於官傳業子普普傳子承承尤篤學未嘗觀家事講授
數百人諸儒以承三世傳業莫不歸服之建初中舉
於梁相子孫傳學不絕

樓望字次子陳留雍丘人少習嚴氏春秋操節清白有稱
鄉閭建武中趙節王初聞其高名遣使齎王帛請以爲
師望不受後仕郎功曹永平初爲侍中越騎校尉入講
省內十六年遷大司農十八年代周澤爲太常建初五
年坐事左遷大中大夫後爲左中郎將教授不倦世稱
儒宗諸生著錄九千餘人年八十永元十二年卒于官
門生會葬者數千人儒家以爲榮

程曾字秀升豫章南昌人也受業長安習嚴氏春秋積十
餘年還家講授會稽顧奉等數百人常居門下著書百
餘篇皆五經通難又作孟子章句建初三年舉孝廉遷
海西令卒於官

張玄字君夏河內河陽人少習春秋顏氏兼通數家法建武初舉明經補弘農文學遷陳倉縣丞清淨無欲專心經書方其講問乃不食終日及有難者輒爲張數家之說令擇從所安諸儒皆服其多通著錄千餘人初爲縣丞嘗以職事對府不知官曹虞吏白門下責之時左扶風琅邪徐業亦大儒也聞玄諸生試引見之與語大驚曰今日相遭直解矇矣遂請上堂難問極日後玄去官舉孝廉除爲郎會顏氏博士缺玄試策第一拜爲博士居數月諸生上言玄兼說嚴氏宣氏不宜專爲顏氏博士光武且令遷署未及遷而卒

李育字元春扶風漆人也少習公羊春秋沈思專精博覽

書傳知名大學深爲同郡班固所重因奏記薦育於驃
騎將軍東平王蒼由是京師貴戚爭往交之州郡請召
育到輒辭病去常避地教授門徒數百頗涉獵古學嘗
讀左氏傳雖樂其文采然謂不得聖人深意以爲前世
陳元范升之徒更相非折而多引圖讖不據理體於是
作難左氏義四十一事建初元年衛尉馬廖舉育方正
爲議郎後拜博士四年詔與諸儒論五經於白虎觀育
以公羊義難賈逵杜返皆有理證稱爲通儒再遷尚書
令及馬氏廢育坐爲所舉免歸歲餘復徵再遷侍中卒
於官

何休字邵公任城樊人父豹少府休爲人質朴訥口而雅

續文獻通考

卷之三百一

十七

四百五十五

有心思精研六經世儒無及者以列卿子詔拜郎中非其好也辭病去不仕州郡進退必以禮太傅陳蕃辟之
出外政事蕃敗休坐廢錮乃作春秋公羊解詁覃思不闕門上有七年又註訓孝經論語風角七分皆經緯典
說不與守文同說又以春秋駁漢事六百餘條得公羊
本意休善歷筭與其師博士羊弼追述李青意以難二
傳作公羊墨守左氏膏肓穀梁廢病當察解又辟司徒
郡公表休道術深明宜侍帷幄偉臣不悅之乃拜議郎
屢陳忠言再遷諫議大夫光和五年卒年五十四
張虞字子慎初名重又名祗後改爲虔河南滎陽人少以
清苦建志入太學受業有雅才善著文論作春秋左氏

傳辭行之至今又以左傳爲公傳之所駁漢中六十餘
舉孝廉中平末拜九江太守免遭亂病卒所著賦碑誄
書記連珠九情六十餘篇

顏容字子嚴涪州人博學多通善春秋左氏師事太
尉楊賜郡人相繼爲公車徵皆不就初平中避亂荆
州受徒千餘人別表以爲武陵太守不肯起著春秋左
氏條例五萬餘言建安中卒

謝該字文儀南陽章陵人善明春秋左氏爲世名儒門徒
數百人建安中河東人樂詳條左氏疑滯數十事以問
該皆爲通解之名爲謝氏釋行於世仕爲公車司馬令
以父母老託疾去官欲歸鄉里會荊州道斷不得去少

府孔融上書薦之即徵還拜議郎以壽終

按左氏起於六國公穀起於漢有左氏而後有公穀公穀據左氏事而專爲浮說者也使無左氏則公穀無作矣左氏雖麗藻少實然文有經緯而博通古今可謂大儒矣公穀之徒於章句言語之下穿鑿其義此青衿學子之事也然辭俚而意迂多齊東之言而公羊俚俗尤甚柰何漢儒交口譏排左氏不與立博士而後以公羊尊於穀梁何其倒置如此

許慎字叔重汝南召陵人性淳篤少博學經籍馬融常推敬之時人爲之語曰五經無雙許叔重爲郡功曹舉孝廉再遷涿潁太守家初慎以五經傳授人其不同於

是撰爲五經異義又作說文解字十四篇皆傳於世

蔡玄字叔陵汝南南頓人學通五經門徒常千人其著錄者萬六千人徵辟並不就順帝特徵拜議郎講論五經異同甚合帝意遷侍中出爲弘農太守卒於官

魯丕字叔陵性沉深好學杜絕交游不荅候問之禮士友常以此短之而不欣然自得遂兼通五經爲當世名儒建初元年舉賢良方正遷新野令州課第一拜趙相門生就學者常百餘人關東號之曰五經復與魯叔陵後遷中散大夫時賈逵薦丕道藝深明宜見任用和帝召見諸儒丕與賈逵等難事因上疏曰臣聞說經者傳先聖之言非從已出不得相讓則道不明若規矩權衡之

不可枉也陛下既廣納謇言以開四聰無令蕩堯以言得罪既顯巖穴以求仁賢無使幽遠獨有遺失再遷爲侍中卒於官

牟融字子優北海安丘人少博學以尚書教授門徒數百人名稱州里以茂才爲豐今縣無獄訟爲州郡最范遷薦融忠正公方經行純備宜在本朝永平中爲司隸多所舉正百僚憚之時顯宗方勤萬機公卿數朝會每輒延謀政事判折獄融經明才高善論議帝數嗟歎以爲才堪宰相明年爲司空舉動方重甚得大臣節

杜林字伯山扶風茂陵人博洽多聞時稱通儒初爲吏莽敗客河西隗囂素聞林志節深相敬待以爲侍書林雖

拘於囿而終不屈節弟成物故置聽林持喪歸既遣而
悔追令刺客楊賢於隴坻遽殺之賢見林身推鹿車載
致弟喪賢廼歎曰我雖小人何忍殺義士因亡去至光
武徵拜侍御史引見問以經書故舊及西州事甚悅之
京師士大夫咸推其博洽衛宏長於古學及見林闇然
而服徐巡始師事宏後皆更受林學林前於西州得漆
書古文尚書一卷出以示宏等曰林流離兵亂常恐斯
經將絕何意衛子徐生復能傳之是道竟不致墜地也
古文雖不合時務願諸生無悔所學巡宏益重之於是
文遂行爲光祿勳門奉宿衛外總三署周密敬慎選奉
稱平群臣上言古者內刑嚴重則人畏法令今憲律輕

薄故奸軌不勝宜增科禁以防其源林奏曰人情挫辱則義節之風損法防繁多則苟免之行興漢初詳覽失得破矩爲圓斷雕爲樸蠲除苛政更立䟽網海內歡欣人懷寬德其後漸以滋刻吹毛索疵果桃李茹之饋集以成賊臣愚以爲宜如舊制帝從之爲大司空博雅多通稱爲任職

桓譚字君山沛國相人父成帝時爲大樂令譚以父任爲郎因好音律善鼓琴習五經皆詁訓大義不爲章句能文章尤好古學數從劉歆楊雄辯析疑異漢世祖卽位拜議郎上䟽陳時政所宜書奏不省時帝方信讖多以決定嫌疑譚上䟽曰今諸巧慧伎數之人增益圖書矯

桓譚記其事雖有時合璧猶十數隻偶之類陛下宜垂
明聽屏群小之曲說述五經之正義帝不悅後詔議靈
臺所處帝曰吾欲識決之何如譚曰臣不讀識帝問其
故譚復極言識之非經帝怒曰桓譚非聖無法出爲六
安郡丞譚著書言當世行事二十九篇號曰新論一本
造二王霸三求輔四言體五見微六譴非七啟寤八祛
蔽九正經十識通十一立事十二道賦十三辨惑十四
述策十五閔友十六琴道餘並有上下

孔奮字君魚扶風茂陵人少從劉歆受春秋左氏傳歆謂
門人曰吾已從君魚受道矣建武中守姑臧長時士多
不修節操而奮力行清潔爲衆人所笑或以爲身處脂

膏不能以自潤徒監苦辛被徵卑卑就路姑臧吏民及
羌胡相謂曰孔君清廉仁賢舉職蒙恩如何今去不共
報德遂相賦歛牛馬器物遣送奮一無所受拜武都太
守爲政明斷甄善疾非見有美穗愛之如親其無行者
忿之若讎郡中稱爲清平

曹褒字叔通魯國薛人父充侍慶氏禮爲博士褒結髮傳

名業當世 充下條慕 以舉通 爲博士 褒結髮傳

忘所之適舉孝廉遷圉令以禮理人以德化俗時他郡
盜來入圉界吏捕之太守馬嚴諷縣殺之褒劾吏曰絕
人命者天亦絕之如得全此人命而身坐之吾所願
不爲殺嚴表褒懷弱免官徵拜博士會肅宗欲士

禮樂詔曰河圖稱赤九會昌十世以光十一以興九謂

光武十謂明帝十一謂帝帝尚書璇璣鈴曰述堯體世

平制禮樂倣唐之文且三五步驟優劣殊軌

孝經鈞命
決曰三皇

步五帝驟
三王馳每見圖書中心慙焉褒知帝旨廼上疏宜平

文制著成漢禮章下太常太常以爲一世大典非褒所

定不可許遂復上疏具陳禮樂之本制作之意詔召班

固改定禮制之宜固曰宜廣招集共議得失帝曰謗言

作公道傍三年不成會禮之家名爲聚訟昔堯作大章

一夔足矣廼召褒條正褒廼次序禮事依準舊典雜以

五經讖記之文撰次天子至於庶人冠婚吉凶終始制

度爲百五十篇上之

范甯字武子晉鄆陵人註春秋穀梁傳唐貞觀間從祀孔子廟庭宋真宗追封新野伯國朝嘉靖中以學未顯著改祀于鄉

周續之字通祖雁門人徙豫章太守范甯於郡立學招集生徒續之年十二詣甯受業居學數年通五經五緯號曰十經名冠同門既而入廬山與劉遺民陶淵明俱不應徵人稱潯陽三老

鄭玄字康成北海高密人造太學受業師事第五元光始通京氏易公羊春秋三統曆九章算術又從張恭祖受周官禮記左氏春秋韓詩古文尚書以山東無足問者廼西入關事馬融門徒四百餘人升堂進者五十餘生

會融集諸生考論圖緯聞玄善筭廼召見玄因從之
義問畢辭歸融曰鄭生今去吾道東矣黨事起被禁錮
遂隱修經業杜門不出時何休好公羊學遂著公羊墨
守義理高遠不可駁難如墨翟之守城左氏膏肓穀梁廢疾玄乃發墨守
鍼膏肓起廢疾休見而歎曰康成入吾室操吾矛以伐
我乎初中興之後范升陳元李育賈逵之徒爭論古今
學後馬融吞劉環及玄荅何休義據通深由是古學遂
明靈帝末黨禁解國相孔融深敬玄屣履造門告高密
縣為玄特立一鄉曰昔齊置士鄉越有君子軍皆異賢
之意也鄭君好學實懷明德昔太史公廷尉吳公謁者
僕射鄧公皆漢之名臣又四皓東園公夏黃公潛光隱

耀世嘉其高皆悉稱公然則公者仁德之正號不必三
事大夫也今鄭君好學曰鄭公鄉昔東海于公僅有一
節猶或戒鄉人侈其門閭矧廼鄭公之德而無駟牡之
路可廣開門衢令容高車駟馬通德門尋會黃巾寇青
部廼避地徐州後自徐州還道遇紅巾賊數萬人見玄
皆拜相約不敢入縣境時袁紹總兵冀州遣使要去大
會賓客紹客多豪俊見玄儒者未以通人許之競設異
端百家互起玄依方辨對或出問表皆得所未聞莫不
嗟服時應劭亦歸於紹因自贊曰故泰山太守應中遠
北面稱弟子何如玄笑曰仲尼之門考以四科回賜之
徒不稱宮闈邵有慙色是安五年卒自郡守以下嘗受

業者綴經赴會千餘人凡玄所註周易尚書毛詩儀禮
禮記論語孝經尚書大傳凡百餘萬言玄質於辭訓入
頗譏其繁至於博洽稱爲純儒門人國淵任嘏時並童
幼玄稱淵爲國器嘏有道德皆如其言子益恩玄以其
手文似已名之曰小同

鄭興字少穎河南開封人少學公羊春秋晚善左氏傳學
者皆師之建武中徵爲太中大夫明年日食興上疏曰
國無善政則謫見日月其要在因人之心擇人處位也
今公卿多舉郭伋可爲大司空而不以時定道路流言
咸曰朝臣若用功臣功臣用則大位謬矣書奏多有所
納帝嘗問興郊祀事曰吾欲以議斷之何如對曰臣不

爲議帝怒曰卿之不爲議非之邪興惶恐曰臣於書有
所未學無所非也帝意廼解興數言政事依經守義文
章溫雅然以不善識故不能任興好古學尤明左氏周
官長於歷數自杜林之屬莫不斟酌焉世言左氏者多
祖於興而賈逵自傳其父業故有鄭賈之學

范升字辨別代郡人漢光武徵拜博士時韓歆欲爲費氏
易左氏春秋立博士升曰左氏不祖孔子而出於丘明
師徒相傳又無其人無因得立退而奏左氏之失凡十
四事時難者以太史公名引左氏升又上太史公違戾
五經謬孔子言及左氏不可錄三十一事詔以下博士
陳元字長孫蒼梧廣信人以父任爲郎建武初議欲立左

氏范升以爲左氏淺末不宜立元上䟽曰至音不合衆
聽故伯牙絕絃至寶不同衆好故卞和泣血仲尼聖德
而不容於世況於竹帛餘文其爲雷同者所排固其宜
也臣竊見升等所言皆斷截小文媒黠微辭以年數小
差掇爲巨謬遺脫纖微指爲大尤抉瑕撻釁掩其私美
所謂小言破道者也夫明者獨見不惑於朱紫聰聞不
謬於清濁故雖朱不爲巧眩移目師曠不爲新聲易耳
方今建立左氏解釋先聖之積結沙汰學者之累惑則
天下幸甚書下其議升復與元相辯難卒立左氏學元
以才高著名辟司空府時江馮上言宜令司隸督察三
公事下三府元上䟽曰師臣者帝賓臣者霸不宜使有

司察公輔之名帝從之

賈逵字景伯扶風平陵人父徽從劉歆受左氏春秋逵傳父業自爲兒童常在太學不通人間事身長八尺三寸諸儒爲之語曰問事不休賈長頭性愷悌多智思獨儻有大節尤明左氏傳國語爲之解詁五十一篇顯宗重其書藏秘館時有神雀集宮殿官府帝召逵問之對曰昔武王終父之業營鳩在岐宣帝威懷戎狄神雀仍集此胡降之徵也帝勅蘭臺給筆札使作神雀頌拜爲郎肅宗詔逵入講帝善逵說使發出左氏傳太義長於二傳者逵條奏曰左氏義深於若父公羊多任於權變又五經家皆無以證國讖明劉氏爲堯後者而左氏獨有

明文帝嘉之令逵自選公羊嚴顏諸生高才者教以左氏和帝以逵爲侍中內史備帷幄兼領秘書甚見信用逵所著經傳義詁及論難百餘萬言學者宗之後世稱爲通儒然不修小節當世以此譏焉故不至大官

張霸字伯饒蜀郡成都人數歲知孝讓出入飲食自然合禮鄉人號爲張曾子七歲通春秋復欲進餘經父母曰汝小未能也霸曰我饒爲之故字曰饒後博覽五經孫林等慕之各市宅其傍以就學舉孝廉爲會稽太守郡人有業行者皆見擢用郡中爭厲志節習經者以千數道路但聞誦聲霸始到越賊未解乃移書開講明用信賞賊遂束手歸附不煩士卒之力童謠曰素我戰損我

予盜賊盡吏皆休視事三年謂掾史曰太守起自孤立致位郡守老氏有言知足不辱遂謝病後徵遷侍中時后兄鄧騭貴盛聞朝名行欲與交霸不荅衆人笑其不識時務子楷

桓榮字春卿沛郡龍元人少學長安貧窶客傭以自給精力不倦十五年不窺家園漢顯宗始立爲皇太子選求明經世祖召榮令說尚書甚善之拜爲議郎每朝會輒令數奏經書帝稱善曰得生幾晚拜博士車駕幸太學會諸博士論難於前榮被儒服溫恭有蘊藉辯明經義每以禮讓相厭不以辭長勝人儒者慕之二十八年拜爲少傅賜以朝服乘馬榮大會諸生陳其車馬印綬曰

今日所蒙稽古之力也三十年拜太常及顯宗即位尊以師禮乘輿常幸太常府令榮坐東面設几杖太子親自執業每言輒曰太師在是其恩禮若此永平二年三

桓

郁字仲思以父任爲郎漢顯宗以郁先師子甚見親厚

常居中論經書問以政事稍遷侍中帝自制五家要說章句令郁校定於宣明殿東觀上謂郁曰我爲孔子卿爲子夏起予者商也永平中授皇太子經和帝即位富於春秋實憲自以外戚之重欲令少主頗涉經學上疏言郁經行篤備宜令入教授以崇本朝由是遷長樂少府復入侍講郁經授二帝恩寵甚篤初榮受朱普章句

續文獻通考

卷之三十一

二十七

四十六

四十萬言浮辭繁長

音直亮反

及榮入授顯宗減爲二十三

萬言郁復刪省定成十二萬言由是有桓君大小章句

曾孫典曄彬

丁鴻字孝公潁川定陵人父緄封陵陽侯鴻從桓榮受尚書布衣荷擔不遠千里初緄從世祖征伐鴻獨與弟威居憐威幼小共寒苦及緄卒鴻當襲封上書讓國於弟威不報既葬逃去鴻初與鮑駿同事桓榮甚相友善駿遇於東海讓之曰春秋之義不以家事廢王氏今子以兄弟私恩而絕父不滅之基可謂習乎鴻感悟垂涕乃還就國拜侍中肅宗詔與諸儒論定五經同異於北宮白虎觀鴻以才高論難最明諸儒稱之帝嗟美焉時人

歎曰殿中無雙丁孝公及和帝即位遷司徒時竇憲擅
權鴻因日食上封事宜改正匡失以塞天意書奏十餘
日收憲印憲自殺

趙岐字邠卿長陵人少明經有才藝嘗與兄襲得罪中常
侍唐衡避禍北海唐死乃出徵拜議郎嘗著孟子章句
及三輔決錄後居荊州卒先自爲壽歲其後孟子得立
爲博士寔自岐始

班彪字叔皮扶風安陵人性所重好古隄罷權衆天水彪
避難從之著王命論以感之冀終不寤遂避地河西竇
融以爲從事施爲融嘗東事漢總西河以拒竇及融徵
還中師光武知融章奏皆從事班彪所爲因召入見舉

度才彪既才高而好述作遂專心史籍之間武帝時同
馬遷著史記自太初以後闕而不錄後好事者頗或綴
集時事然多鄙俗不足以踵繼其書彪乃繼採前史遺
事傍實異聞作後傳數十篇因斟酌前史而譏正得失
彪後辟司徒府時東宮初建師保多闕彪上言宜博選
名儒有威重明通政事者以爲太傅帝納之彪以通儒
上才傾側危亂之間行不踰方言不失正仕不急進貞
不違人敷文華以緯國典守賤薄而無閭閻容彼將以世
運未引非所謂賤焉耻乎何其守道恬淡之篤也

三國

王肅字季雍少從宋忠讀太玄更爲之解太和中拜散騎

常侍曹真征蜀肅上疏請罷又上疏陳政本除無事之位損不急之祿止浮食之費景初間宮室盛興民失農業又上疏諫止又言鳥獸無用之物有芻殺人徒之費皆可蠲除遷太常時曹爽專權任用何晏鄧颺等蔣濟桓範論及時政肅正色曰此輩即弘恭石顯復稱說耶後爲光祿勳時有二魚長尺集于武庫屋有司以爲吉祥肅曰魚生于淵而亢於屋介鱗之物失其所也邊將其有棄甲之變乎後果有東關之敗嘉平六年白氣經天司馬景王問故荅曰此蚩尤旗也東南其有亂乎君若修己以安百姓則天下樂歸倡亂者先亡明年毋丘儉文欽反景王謂肅曰霍光感夏侯勝之言始重儒學

之士良有以也。薨謚景侯。初，肅善爲賈馬之學而不好。鄭氏採會異同爲尚書詩論語三禮左氏解及撰定父朗所作易傳皆列于學官。其所論駁朝廷典制郊祀宗廟喪紀輕重凡百餘篇。時樂安孫叔然授學鄭玄之門人，稱東州大儒。肅集聖證論以譏短玄。叔然駁而釋之，及作周易春秋例。毛詩禮記春秋三傳國語爾雅諸註。

續文獻通考卷之三百二

皇明進士雲間王圻纂輯

道統考 翼統先儒三

晉

范平字子安錢塘人研覽墳典適該百氏太康中徵不起
辛有詔追謚曰文貞先生

文立字廣休巴郡人蜀時游太學師事譙周門人以立爲
顏回陳壽李虔爲游夏羅憲爲子貢泰始初進散騎常
侍蜀故尚書程璜雅有德業與立深交晉武帝聞其名
以問立對曰臣誠知其人但年垂八十稟性謙退無復
當時之望故不以上聞耳璜聞之曰廣休可謂不黨矣

時西域獻馬帝問立馬何如對曰乞問太僕帝善之

徐邈東第姑幕人少與鄉人賊書齊名下帷讀書不游城

邑及晉孝武帝招延儒學之士邈以東州儒素太傅謝

安舉旌邈始補中書舍人在西省侍帝雖不口傳章句

然間釋文義標明旨趣學者宗之遷散騎常侍帝好爲

手詔詩章以賜侍臣或文辭率爾所言穢雜邈每應制

時收歛還省刊削若使可觀經帝重覽然後出之故時

議以此多邈遷中書侍郎專掌給詔初范甯與邈皆爲

帝所任共補朝廷之闕甯才素高而措心正直遂爲王

國寶所讒出守遠郡邈孤宦易危而無敢排彊族乃爲

自安之計會帝頗踈會稽王道子邈欲和協之因從容

言於帝曰昔淮南齊王漢晉成敗會稽王雖有酣燂之
累而奉上統一宜加私貸消散紛議外爲國家之計內
慰太后之心帝納焉邈嘗詣東府遇衆賓沉湎引滿誼
譁道子曰君時有暢不邈對曰邈陋巷書生唯以節儉
清修爲暢耳道子以邈業尚道素笑而不以爲忤也道
子將用爲吏部郎邈以波競成俗非已所能節制苦辭
乃止時皇太子尚幼帝以邈爲前衛率領本郡大中正
授太子經雖未勅以師禮相待然不以博士遇也東宮
猶朝夕入見奏經朝政脩飾文詔拾遺補缺劬勞左右
帝加其謹密方之於金甌有託重之意將進顯位未及
行而帝暴崩安帝即位拜驍騎將軍罷安元年遭父憂

哀毀病篤不踰年而卒年五十四識者悲之所註穀梁傳見重於時長子即有父風以孝聞爲太常博士秘書

孔衍字舒元魯國人孔子二十二世孫祖父掾大鴻臚父鍾征南軍司鈇少好學年十二能通詩書弱冠公府辟本州舉異行直書皆不就避地江東元帝引爲安東參軍尋常記室書人殷積爾衍每以稱職見知中興初與庾亮俱補中書直學明帝之在東宮領太子中庶子時廢事革創衍經學深博又練識舊典朝儀輒創多取正焉由是元明二帝並親愛之王敦專推衍私授授博士霸以帝師賜號褒成君傳子光亦事年外至丞相由是大

夏侯有孔許之學

范宣字宣子陳留人年十歲能誦詩書少尚隱遁加以好
學手不釋卷以夜繼日遂博綜衆書家於豫章太守放
羨見宣茅茨不完欲爲改宅宣固辭庾爰以宣素貧加
年荒厚餉給之宣又不受爰問宣曰君博學通綜何以
大儒宣曰漢興貴經術至於石渠之論實以儒爲獎正
始以來世尚老莊逮晉之初競以禪程爲高僕誠大儒
然不與世易宣言談未嘗及老莊客有問人生與憂俱
生不知此語何出宣云出莊子至樂篇客曰君言不讀
老莊何由識此宣曰小時嘗一覽時人莫之測也太元
中范甯爲豫章太守甯亦儒博在郡立鄉校教授恒數

百人由是江州人士並好經學化二范之風也

杜預字元凱京兆杜陵人博學多通明於興廢之道文帝
嗣位預尚帝妹高陵公主拜尚書郎後與賈充等定律
令既成預爲之註解預身不跨馬射不穿札每大事輒
居將帥之列既立功耽思經籍爲春秋左氏經傳集解
更參考衆家譜策謂之釋例又作盟會圖春秋長歷備
成一家之學當時論者謂預文義質直世人未之重唯
秘書監華虞賞之曰左丘明本爲春秋作傳遂自孤行
釋例本爲傳設而所發明何但左傳故亦孤行時王濟
群相馬而和嶠頗聚飲預常稱濟有馬癖嶠有錢癖武
關西謂預曰卿有何癖對曰臣有左傳癖預在荊州

因宴集醉卧齋中外人聞嘔吐聲竊窺於戶止見一大蛇垂頭而吐聞者異之卒時六十三子錫

夷哲字廣微陽平元城人漢疎廣之後王莽末廣曾孫孟達避難自東海徙居沙鹿山南因去疎之是改姓焉哲博學多聞與兄瑒俱知名少游國學或問博士曹志曰當今好學者誰志曰陽平東廣微人莫及也太康中郡界大旱哲爲邑人請雨三日而雨注衆謂哲誠成歌曰東先生通神明請天三日甘雨霽我泰以育我稷以生何以禱之報東長生哲性沉退不慕榮利作玄君釋以擬客難張華見而奇之召爲掾轉左著作卽太康二年汲郡人不準盜發魏襄王墓或言安釐王塚得竹書數

十車其紀年十三篇易經二篇易繇陰陽卦二篇卦下
易經一篇公孫段上篇公孫段與邵陵論易國語三篇
古楚晉車名三篇似禮記又似爾雅論語師春一篇書
五傳諸卜筮師春似造書姓名也項語十一篇諸國卜
夢妖怪相書也梁丘藏一篇先叙魏世數次言丘藏金
玉事綴書二篇論弋射法止封一篇帝王所封大曆二
篇鄒子談天類也穆天子傳五篇國詩一篇又雜書十
九篇凡七十五篇七篇簡書折塚不識名題漆書皆蝌
蚪字多燼簡斷札不復詮次武帝以其書付秘書省在
著作得覩隨擬分釋皆有義證遷尚書卿晉武帝嘗問
淳虞三日曲水之義虞對曰漢時平原徐肇以三月初

生三女至三日俱亡村人以爲怪乃招之水濱洗板遂
因水以汎觴其義起此節曰必如所談便非好事哲進
曰虞小生下足以知臣請言之昔周公城洛邑因流水
以汎酒故逸詩云羽觴隨波又秦昭王以三日置酒河
曲見金人奉水心之劍曰今君制有西夏乃霸諸侯因
此立爲曲水二漢相緣皆爲盛集帝大悅賜哲金五十
斤時有人於嵩高山下得玉簡一枚上兩行蝌蚪書傳
以相示莫有知者司空張華以問晉哲曰此漢明帝顯
節陵中策文也檢驗果然時人服其博識年四十卒其
五經通論發家記補亡詩文集數十篇行於世

王接字祖游河東人幼喪父哀毀過禮鄉親皆嘆曰王氏

有子哉渤海劉原爲河東太守以旌才爲務同郡馬收
試經爲郎薦接於原曰處士王接岐嶷俊異十三而孤
居喪盡禮斯王鉉之妙味經世之微猷也原即禮命接
不受原乃呼見曰君欲慕肥遯之高邪對曰接少孤無
兄弟母老疾篤故無心爲吏求寧初舉秀才是歲晉惠
帝復祚以國有大慶天下秀才一皆不試接以爲恨除
中郎及東海王越討王頤尚書令王堪上請接補尚書
殿中郎未至而卒接常謂左氏辭義瞻富自是一家書
不主爲經發公羊附經立傳通經爲長乃更司公羊春
秋多有新義

伏曼容字公儀平昌人少爲學善老易側儻好大言常云
何晏疑易中九事以吾觀之晏了不學也梁徒教授以
自業宋明帝好周易常集朝臣於清暑殿講詔曼容執
經曼容素美丰采明帝嘗以方稽叔夜使吳人陸探微
盡叔夜像以賜之爲尚書外兵郎嘗與宋粲羅朝相會
言玄理時論以爲一臺二絕曼容宅在瓦官寺東施高
座於廳事有賓客輒升高坐爲講說生徒常數十百人
子暉

伏暉字互曜幼傳父業能言玄理與樂安任昉彭城劉曼
俱知名梁武帝踐祚兼五經博士與吏部尚書徐勉中
書侍郎周捨總知五禮事出爲永陽內史在郡清潔政

務安靜徙新安太守賦稅不登者輒以太守田米助之郡多麻苧家人乃至無以爲絀其屬志如此爲國子博士時始與內史何遠累著清績武帝擢爲黃門侍郎俄遷信武將軍監吳郡事多託疾居家尋留會稽築宅自表解任詔以爲豫章內史乃出拜御史虞曠奏以大不敬有詔勿論予挺

伏挺字士標幼敏悟七歲通孝經論語及長博學有才思爲五言詩善効謝康樂體父友任昉深相歡異常曰此子日下無雙齊末州舉秀才策爲常時第一梁武帝入辟迎謁於新林見之甚悅謂之顏子引爲征東行參軍時年十八天監初除中軍參軍事居宅講論語聽者傾朝

抵三
世同時聚徒教授罕有其比
有盛名又善處當世朝中勢豪多與交游故不能久事
隱前後出仕除南臺治書侍御史因事被劾會邵陵王
爲江州携挾之鎮王好文義深被恩禮侯景亂中卒
何佟之字士威廬江人少好三禮師心獨學強力專精王
儉雅相推重起家揚州從事仍爲總明館學士仕齊初
爲國子助教建武中爲鎮北記室叅軍侍皇太子講時
步兵校尉劉瓛徵士吳苞皆已卒都下碩儒唯佟之而
已當時國家吉凶禮皆取決焉

嚴植之字孝原建平秣陵人少善莊老能玄言精解喪服
孝經論語及長徧習鄭氏禮周易毛詩左氏春秋性悻

孝謹厚不以所長高人梁天監二年詔求通儒修五禮
有司奏植之主凶禮四年初置五經博士各開館教授
以植之兼五經博士植之館在湖溝生徒常有數講說
有區別次第析理分明每當登講五館生畢至聽者千
餘人遷中撫記室左軍仍兼博士卒於館

崔靈恩河東人少爲學徧習五經尤精三禮仕魏爲大常
博士先是儒者論天互執渾蓋二義論蓋不合渾論渾
不合蓋靈恩立義以渾蓋爲一時論多之

昭明太子蕭統字德施小字維摩武帝長子三歲受孝經
論語五歲徧讀五經悉通諷誦性仁孝自出宮恒思戀
不樂帝知之每五日一朝多使留末榻省或五日三

乃還宮太子芳字義舉止讀書數行並下過目皆憶
每游宴祖道賦詩至十數韻或作劇韻皆屬思便成無
所更易引納才學之士賞愛無倦恒自討論墳籍或與
學士商確古今繼以文章著述率以爲常於時東宮有
書幾三萬卷名才並集文學之盛晉宋以來未之有也
性愛山水嘗泛舟後池者四候輒盛稱此中宜秦女樂
太子不答詠左思招隱詩云何必絲與竹山水有清音
輒慙而止薨時年三十一謚曰昭明所著文選三十卷

陳

鄭灼字茂昭東陽人幼聰敏勵志儒學少受業於皇侃梁
簡文在東宮雅愛經術引灼爲西省學士灼性精勤尤

明三禮家貧抄義疏以日繼夜筆毫盡禿每削用之常
蔬食講授其篤志如此時有晉陵張崖吳郡陸訓吳興
沈德威會稽賀德基俱以禮學自命

張議字直言武城人陳天嘉中爲國子助教時周弘正在
國學發周易題弘正第四弟弘直亦在講席議與弘正
論議弘正屈弘直危坐厲聲助其中理議乃正色謂弘
直曰今日之集辯正名理雖知兄弟急難四公不得有
助弘直謂曰僕助君師何爲不可舉坐以爲笑樂弘正
嘗謂人曰吾每登坐見張議布席使人慄然宜帝時爲
武陵王帳內記室兼東宮學士後主在東宮集官僚置
賓客適至柳塵尾新成後主親執之曰今雖多士如林

至於茲提此者獨張譏耳即手授譏後主嗣位爲國子
博士東宮學士後主嘗幸鍾山開善寺召從臣坐於寺
西南松林下勅譏講義時索麀尾未至後主勅取松枝
手以屈譏曰可代麀尾顧群臣曰此即張譏後終於長
安

齊

何胤字子季出繼叔父曠故更字胤叔輕薄不羈晚乃折
節好學師事沛國劉瓛受易及禮記毛詩又入鍾山定
林寺聽內典其業皆通而縱情誕節時人未之知也唯
瓛與汝南周顒深器異之仕齊爲建安太守政有恩信
人不忍劫每伏臘放囚還家依期而反歷黃門侍郎太

子中庶子尚書令及鬱林嗣位胤爲后族甚見親待爲
中書令領臨海巴陵王師胤雖貴顯常懷止足建武初
已築室郊外恆與學徒游處其內聞謝朓罷吳興郡未
幾胤恐後之乃拜表解職不待報輒去以會稽山多靈
異外游焉居若耶山雲門寺初胤二兄求點並棲遁求
先卒世號點爲大山胤爲小山世謂何氏三高梁武帝
踐祚詔爲特進光祿大夫遷領軍司馬王杲之以手勅
諭意恭曰吾年已五十七月食四斗米不盡何容復有
官情太勃給白衣尚書祿胤固辭又勅山陰庫錢月
五萬又不受乃勅何子朗孔壽等六人於東山受學上
幸衡陽王元簡深加禮敬常命駕式問談論終日胤以

若耶迫隘不容學徒乃遷秦望山山有飛泉迤起學舍
卽林成樓因巖爲堵別爲小室寢處其中躬自放閉僅
僕無得至者徧初遷時築室忽有二人指一處云此中
殊吉遂不復見山發洪水樹木皆倒拔唯徧所居室歸
然獨存元簡乃命記室參軍鍾嶠作瑞室頌刻石以旌
之及元簡去郡乃移還吳居武丘山西寺講經論學僧
復隨之東境守宰經途者莫不畢至徧常禁殺有虞人
逐麋鹿徑來趨伏不動又有異鳥如鶴紅色集講堂馴
狎如家禽大通三年卒年八十六

張緒字思曼岱兄子也父演宋太子中書舍人緒少以經
學知名清簡寡欲從伯敷及叔父鏡從叔暢並貴異之

宋明帝轉太子中庶子吏部尚書復轉中庶子後爲侍中遷吏部郎叅掌大選嘗私謂客曰一生不解作憲諾有以告袁粲褚彥回者由是出爲吳郡太守緒初不知也昇明二年自祠部尚書爲齊高帝太傅長史建元元年爲中書令僕射王儉嘗云陳仲弓黃叔度能過之否時帝欲用緒爲右僕射以問王儉儉言南士由來少居此職乃止及立國學以緒爲太常卿領國子祭酒以王延之代緒爲中書令何遜歎曰晉以子敬季瑛爲此職今以王延之張緒爲之可謂清官後接之者實爲未易緒長於周易言精理與兄宗一時常云何平叔不解易中七事緒每朝是試今日送之謂王儉曰緒以位尊我

我以德貴緒吐納風流聽者皆忘饑疲雖終日與居莫能測焉

劉瓛字子珪沛國相人晉丹陽尹休六世孫瓛篤志好學博通訓義年五歲聞舅孔熙先讀管寧傳欣然欲讀舅更爲說之精意聽受曰此可及也兄弟三人共處蓬室一室爲廡所制無以葺之怡然自樂習業不廢聚徒教授常有數十丹陽尹袁粲薦爲秘書郎不見用瓛素無宦情自此不復仕齊高帝踐祚召瓛入華林園談語問以政道荅曰政在孝經帝咨嗟曰儒者之言可寶萬世又謂瓛曰吾應天革命物議以爲何如瓛曰陛下戒前執之夫加之以寬厚雖危可安若蹈其覆轍雖安必危

及出帝謂司徒楮彥回曰方直乃爾學士政自過人
猷姿狀纖小儒業冠於當時都下士子貴游莫不下席受
業當世推其大儒以比古之曹卿住在檀橋瓦屋數間
一室穿漏學徒敬慕不敢指斥乎爲青溪馬梁武帝天
監元年下詔爲猷立碑謚曰貞簡先生所著文集行於
世初猷講月令畢謂學士嚴植之曰江左以來陰陽律
數之學廢矣吾今講此曾不得其彷彿學者笑其退讓

後魏

劉猷之博陵人也少而孤貧雅好詩傳曾受業於渤海程
玄後遂博觀衆籍見名法之言掩卷而笑曰若使楊墨
之流不爲此書千載誰知其小也時人有從猷之學者

獻之卿謂曰人之立身雖百行殊塗準之四科要以德
行爲首子若能入孝出悌忠信仁讓不待出戶天下自
知儻不能然雖復下帷針股躡齋從師正可博聞多識
不過爲士龍乞兩眩惑將來其於立身之道有何益乎
孔門之徒初亦未悟見臯魚之歎方乃歸而養親嗟乎
先達何自覺之晚也由是四方學者莫不高其行義希
造其門善春秋毛詩每講左氏盡隱公八年便止云義
例已了不復須解由是弟子不能究其說後本郡通舉
孝廉至京稱病而還及孝文幸中山詔徵典山校書獻
之固以疾辭時中山張吾貴與獻之齊名四海皆稱儒
宗吾貴每一講唱門徒千數其行業可稱者寡獻之著

錄數百篇通經之士於是有識者辯其優劣魏承亂後五經大義雖有師說而海內諸生多有疑滯或決於獻之六藝之文雖不悉註所標宗旨頗異舊義

張吾貴字吾子中山人也少聰慧口辯身長八尺容貌奇偉年十八本郡舉爲太學博士吾貴先未多學乃從鄺詮受禮牛天祐受易詮祐粗爲開發而吾貴覽讀一遍即便構戶牖世人號歸之曾春夏學聚徒千數而不講傳生徒竊云張氏之於左氏似不能說吾貴聞之謂曰我今夏講暫罷後當說傳來月吾貴詣劉蘭蘭遂爲講問三旬之中吾貴兼讀杜服膺括兩家異同悉舉諸生大爲驚服講之義例無窮皆多新異蘭仍伏聽學者以

此益奇之而氣凌牧守不屈王侯竟不仕而終

劉蘭武邑人也年三十餘入小學書急就篇家人覺其聰敏遂令從師受春秋詩禮於中山王保安家貧無以自資且耕且學三年之後便白其兄求講說其兄笑而聽之爲立齋舍聚徒二百蘭讀左氏五日一遍兼通五經尤是張吾貴以聰辯過人其所解說不本先儒之旨唯蘭推經傳之由本注者之意參以緯侯及先儒舊事甚爲精悉自後經義審博皆由於蘭蘭又明陰陽博物故爲儒者所宗瀛州刺史裴植徵蘭講書於州南館植爲學生故生徒甚盛海內稱焉蘭學徒前後數千成業者衆而排毀公羊又非董仲舒由是見譏於世爲國子助

教時靜坐讀書有人叩門蘭命引入葛巾單衣入與蘭
坐曰吾自是學士何爲每見毀辱理義長短竟在誰而
過無禮見凌也今欲相召當與君正之言畢而出少時
蘭患病而卒

徐遜明字子判華陰人幼好學年十七隨鄉人毛靈和等
詣山東求學至上黨乃師屯留王聰受毛詩尚書禮記
一年便辭聰游燕趙師事張吾貴數月乃私謂友人曰
張生名高而義無檢格凡所講說不愜吾心請更從師
遂與平原田猛畧就范陽孫買德受業一年復欲去之
乃詣平原唐遷居於泰舍讀孝經論語毛詩尚書三禮
不出門院凡經六年時彈箏吹笛以自娛慰又知陽平

館陶趙世業家有服氏春秋是晉世永嘉書寫遵明乃
往讀之役經數載因平譏春秋義章爲三十卷是後教
授門徒每臨講坐先持經執疏然後敷講學徒至今浸
以成俗遵明講學於外二十餘年海內莫不宗仰

李業興上黨人少耿介志學晚乃師事徐遵明於趙魏之
間時有漁陽鮮于靈馥亦聚徒教授而遵明聲譽未高
著錄尚寡業興乃詣靈馥齎舍類受業者靈馥乃謂曰
李生久逐羗博士何所得也業興默爾不言及靈馥說
左傳業興問其大義數條靈馥不能對於是振衣而起
曰羗弟子正如此耳遂便告還自此靈馥生徒傾學而
就遵明學徒大盛業興之爲也後乃博涉百家圖緯風

角天文占候無不討練尤長算曆雖在貧賤常自矜負
若禮待不足縱於權貴不爲之屈後爲王遵業門客舉
孝廉爲校書郎爲戊子元曆上之於時張洪張龍諱等
九家各獻新曆宜武詔令共爲一曆正光三年奏行之
子崇祖傳父業

李崇祖字子述時文襄集朝士命盧景裕講易崇祖時年
十二論難往復景裕憚之姚文安難服虔左傳解七十
七條名曰駁妄崇祖申明服氏名曰釋謬儒生大服
北齊

李鉉字寶鼎北海人也九歲入學書急就篇月餘便還家
素貧常春夏務農冬乃入學鉉以鄉里無可師者

州里楊元懿河間宗惠振等詣大儒徐遵明受業居徐門下五年常稱高弟年二十三便自潛居討論是非撰定孝經論語毛詩三禮義疏及三傳異同周易義例來游京師讀所未見書舉秀才除太學博士鉉以去聖久遠文字多有乖謬於講授之暇遂覽說文倉雅剛正六藝經註中誤字名曰字辯

馮偉字偉節中山人身長八尺衣冠甚偉見者肅然少從李寶鼎學李重其聰敏恒別意試問之多所通解尤明禮傳後還鄉里閉門不屈將三十年不問生產不交賓客專精覃思無所不通齊趙郡王出守定州以禮迎接命書三至縣令親至其門猶辭疾不起王將命駕致請

佐吏前後星馳報之縣令自爲其整冠履不得已而出
王下聽事迎之止其拜伏分階而上留之賓館甚見禮
重歲餘請還王知其不願拘束以禮發遣贈遺甚厚一
無所納唯受時服而已及還不交人事郡守縣令歲時
或置羊酒亦辭不納門徒東修一毫不受蠶而衣耕而
飯簞食瓢飲不改其樂以壽終

邢峙字子峻河間人少學通三禮左氏春秋仕齊初爲四
門博士遷國子助教以經入授皇太子峙方正不苟有
儒者風尉宰進太子食菜有邪蒿峙令去之曰此菜有
不正之名非殿下宜食文宣聞而嘉之賜以被褥繡纈
劉晝字孔昭渤海人少孤貧愛學不憊常閉戶讀書

者李寶鼎同鄉甚相親愛寶鼎以三禮授書又就馬敬
德習服氏春秋俱通大義恨下里少墳籍杖策入都知
宋世良家有書五千卷乃求爲其子博士姿意搜覽晝
夜不息還舉秀才策不第乃恨不學厲文方復緝綴藻
言甚古拙制一賦以六合爲名自謂絕倫乃以呈魏收
而不拜收憤之謂曰賦名六合已足矣又愚於六
合君四體又甚於文畫高才不遇及乎昭即位好受直
言畫聞之喜曰董仲舒公孫弘可以出矣乃步詣晉陽
上書言亦切直而多非世要終不見收采每言使我數
十卷書行於後世不易齊景之千駟也竟不仕卒於家

後周

熊安生字植之長樂人也少好學勵精不倦從陳達受三傳從房糾受周禮事徐遵明服膺歷年後受經於李寶鼎遂博通五經然專以三禮教授弟子自遠方至者千餘人乃討論經籍據據異聞先儒所未悟者皆發明之齊河清中陽休之特奏爲國子博士時西朝既行周禮公卿以下多習其業有宿疑碩滯者數十條皆莫能詳辯天和三年周齊通好六部尹公正使齊語及周禮齊人不能對乃令安生至賓館與公正言公正有口辯安生語所未至者便撮機要而驟問之安生曰禮義弘深自有條貫必欲升堂覩奧寧可沮其先後當爲次第陳之公正於是問所疑安生一一演說咸究根本公正嗟

服安生既學爲儒宗常受其業擅名於後者有馬榮伯
竇士榮孔籠劉焯劉炫等皆其門人安生與同郡宗道
暉張暉紀顓敬徐遵明等爲祖師

魏

董遇字季直弘農人性質訥好學與平中關中擾亂與兄
季中依將軍段熲遇采杞負販而常挾持經書投閒習
讀其兄笑之而遇不改及建安初郡舉孝廉稍遷黃門
侍郎是時漢帝委政太祖遇且夕侍講爲天子所愛信
至二十二年許中百官矯制遇雖不與謀猶被錄詣鄴
轉爲冗散常從太祖西征過弘農王冢太祖疑欲謁顧
問左右左右莫對進曰春秋之義國君即位未逾年而

卒不成爲君弘農王即祚既淺又爲暴臣所制降在藩國不應謁太祖乃過黃初中出爲郡守明帝時入爲侍中大司農數年病亡初遇善治老子爲老子作訓註又善左氏傳更爲作朱墨別異人有從學者遇不肯教之而云必當先讀百篇其義自明從學者云苦渴無日遇言當以三餘由是諸生少從過學無傳其朱墨者遇子緩亦有才學位至秘書監

賈洪字叔業京兆新豐人好學有才而特精於春秋左傳建安初仕郡舉計掾洪與馮翊嚴苞交學最高洪歷守三邑令所在輒聞譽舍親受諸生後馬超反劫洪作露布司隸鍾繇識其文曰此賈洪作也及超破走太祖召

洪署軍謀掾猶以其前作露布故不即叙晚乃出爲陰
泉長延康中轉爲司馬王相王彪亦雅好文學常師宗
之過於三卿數歲病亡時年五十餘時人惜之

薛夏字宣聲天水人博學有才天水舊有姜冏任趙四姓
推於郡中而夏爲單家不爲降屈四姓欲共治之夏乃
游遶東詣京師太祖宿聞其名甚禮遇之後四姓又使
囚逼引夏關移潁川收捕繫獄時太祖知其故乃告潁
川使理出之召署軍謀掾文帝加其才黃初中爲秘
書丞帝每與夏推論書傳未嘗不終日每呼爲薛君而
不名夏居甚貧帝又顧其衣薄解所御服袍賜之其後
征東將軍曹休來朝帝方與夏有所咨論而外啓休到

帝引入坐定帝言與休曰此秘書丞天水薛宣聲也其見遇如此尋欲用之會文帝崩後數歲亦病亡勅其子無還天水

陳禧字子牙京兆人世單家少好學初平中三輔亂禧擔負經書每南客荊州採相餘日則誦習之太祖定荊州召署軍謀掾黃初中爲譙王郎中王宿聞其儒者常虛心從學禧亦敬恭以授王由是大得賜遺以病還拜郎中年八十餘以老處家就學者甚多禧旣明經又善星官長仰瞻天文嘆息謂魚豢曰天下兵戈尚猶未息如之何豢又常從問左氏傳禧荅曰欲知幽微莫若易人倫之紀莫若禮多識山川鳥獸草木之名莫若詩左氏

直相斫書耳不足精意也秦因從問詩禧說齊韓魯義
四家義不復執文詞如諷誦又撰作諸經解數十萬言
未及繕寫而得聾疾後數歲病亡

樂詳字文載河東人少好學建安初聞公車司馬令南郡
謝該善左氏傳乃從南陽步詣該問疑難今樂氏問七
十二事詳所撰也所問既畢遂歸鄉里時杜畿爲太守
亦甚好學暑詳文學祭酒使教後進於是河東學業大
興至魏黃初中徵拜博士時太學初立有博士十餘人
備員而已唯詳五業並受其或難教詳無愠色以杖畫
地牽譬引類至忘寢食以是獨擅名於遠近詳學既精
悉又善推步別受詔與太史典定律曆太和中轉拜騎

都尉以才劣於學故歷三世竟不出爲守宰正始中以
年老罷歸明徒數千人

按漢鄭玄初爲衆經註解服虔何休各有所說玄易詩
書禮論語孝經虔左氏春秋休公羊傳大行於河北王
肅易亦間行焉至晉世杜預註左氏預玄孫坦坦弟驥
於宋朝並爲青州刺史傳其家業故齊地多習之自魏
末大儒徐遵明下講鄭玄所註周易遵明以傳盧景裕
及清河崔瑾景裕傳權會郭茂權會早入鄴都郭茂恒
在門下教授其後能言易者多出郭茂之門河南及青
齊之間儒生多講王輔嗣所註師訓蓋寡齊時儒士罕
傳尚書之業徐遵明兼之遵明受業於屯留王聰聰傳

長浮陽李周仁及渤海張文教李鉉河間權介三鄭康
成所註非古文也下里諸生畧不見孔氏註解武平末
劉光伯劉士元始得費彪義疏乃留意焉其詩禮春秋
尤爲當時所尚諸生多兼通之三禮並出遵明之門徐
傳業於李鉉祖雋田元鳳馮偉紀顯敬呂黃龍夏懷敬
李鉉又傳授刁柔張買奴鮑季祥邢峙劉晝熊安生安
生又傳孫靈暉郭仲堅丁恃德其後生能通禮經者多
是安生門人諸生盡通小戴禮於周儀禮兼通者十二
三焉通毛詩者多出於魏朝劉獻之獻之傳李周仁周
仁傳董令度程歸則歸則傳劉敬和張思伯劉軌思其
後能言詩者多出劉之門河北諸儒能通春秋者並服

子慎所註亦出徐生之門張買奴馬敬德邢峙張思伯
張奉禮張雕劉晝鮑長宣王元則並得服氏之精微又
有衛覬陳達潘叔虔雖不傳徐氏之門亦爲通解又有
姚文安秦道靜初亦學服氏後兼更講杜元凱所註其
可外儒生俱服膺杜氏其公羊穀梁二傳儒者多不厝
懷論語孝經諸學徒莫不通講諸儒如權會李鉉刁柔
熊安生劉軌思馬敬德之徒多出義疏雖曰專門亦皆
相祖習也大抵南北所爲章句好尚互有不同江左周
易則王輔嗣尚書則孔安國左傳則杜元凱河洛左傳
則服子慎尚書周易則鄭康成詩則並主於毛公禮則
同建於鄭氏南人約簡得其英華北學深蕪窮其枝葉

考其終始要其會歸其立身成名殊同致矣

隋

元善魏陽人也祖義魏侍中被誅善少隨父至河南性好學通涉五經尤明左氏傳侯景之亂善歸於周武帝善禮之賜爵江陽縣公開皇初拜內史侍郎上每望之曰人倫儀表也後遷國子祭酒上嘗親臨釋奠命善講孝經於是敷陳義理兼之以諷諫上大悅曰聞江陽之說更起朕心資絹百匹衣一襲善之通博在何安下然以風流醞籍俯仰可觀音韻清朗聽者忘倦由是爲後進所歸以高類有宰相共嘗言於上及類得罪上以善言爲類游說善憂懼消渴疾作而卒

何安字棲鳳西城人父細胡通商入蜀遂家郫縣安少機
藝以伎巧事湘東主王知其聰明召爲誦書左右時蘭
陵蕭春亦有雋才住青楊巷安住白楊頭時人爲之語
曰世有兩雋白楊何安青楊蕭春其見美如此與蘇威
有隙出爲龍州刺史時有負笈遊學者安皆爲講說教
授爲刺史箴勅於州門外在職三年以疾請還詔許之
大抵論時政損益并指斥當世朋黨於是蘇威及吏部
尚書盧愷侍郎薛道衡等皆坐得罪除伊州刺史不行
尋爲國子祭酒卒謚曰肅

房暉遠字崇儒直定人也世傳儒學暉遠幼有志行明三
禮春秋三傳詩書周易兼善圖緯恒以教授爲務遠方

負笈而從者動以千計齊南陽王綽爲定州刺史聞其名召爲博士周武帝平齊搜訪儒俊暉遠首應辟命授小學下士隋文帝受禪遷太常博士牛弘每稱爲五經庫吏部尚書帝世康薦之遷太學博士尋與鄭譔脩正樂章未幾擢爲國子博士諸儒莫不稱爲通博

劉焯字士元信都人也焯額龜背望高視遠聰敏沈深少與劉炫爲友同受詩於劉軌思受左傳於廣平郭懋問禮於阜城熊安生皆不卒業而去劉智海家素多墳籍焯就讀十載雖衣食不繼晏如也遂以儒學知名爲州博士隋開皇中舉秀才射策甲科與王劭同修國史兼叅議律曆仍直門下省以待顧問與楊素牛弘蘇威蕭

該何妥房暉遠崔崇德崔頤等於國子共論古今滯義
前賢所不通者每升坐論難鋒起皆不能屈楊素等莫
不服其精博六年運洛陽石經至京師文字磨滅莫能
知者奉勅與劉炫二人論議深挫諸儒咸懷妬恨遂爲
飛章所謗除名於是優游鄉里專以教授著述爲務孜
孜不倦賈馬王鄭所傳章句多所是非九章算術周髀
七曜曆書十餘部推步日月之經量度山海之術莫不
覈其根本窮其秘奧劉炫聰明博學名亞於焯故時人
稱二劉焉天下名儒後進質疑受業不遠千里而至者
不可勝數論者以爲數百年以來博學儒無能出其右
者

王通字仲淹隋山西龍門人漢徵君霸之後也世以儒術
顯父隆隋文帝開皇初爲國子博士嘗歎王道無叙天
下何爲而一通方十歲有憂色曰通聞古之爲邦有長
久之策故夏殷以下數百年四海常一統也後之爲邦
行苟且之政故夏殷以下數百年九州無定主也夫子
之歎蓋憂皇綱不揅生人勞於聚斂而天下將亂乎父
異之遂告以元經之事通再拜受之於是有四方之志
蓋受書於東海李育學詩於會稽夏璜問禮於河東關
子明正樂於北平霍汲考易於族父仲華不鮮衣者六
年其精志如此仁壽三年南冠西遊長安見帝因奏太
平策尊王道推霸畧稽今驗古凡十有二帝大悅下其

議於公卿公卿不悅仲淹知謀之不用也作東征之歌而歸屢徵不至乃續詩書正禮樂修元經讀易道九年而六經大就門人自遠而至河南董常太山姚義京兆杜淹趙郡李靖南陽程元扶風實威河東薛收中山賈瓊清河房玄齡鉅鹿魏徵太原溫大雅潁川陳叔達等咸稱師北面受王佐之道焉如往來受業者不可勝數蓋千餘人隋季仲淹之教興於河汾雍如也十年尚書召署蜀郡司戶不就十一年以著作郎國子博士徵並不至僕射楊素甚重之勸之仕仲淹曰通有先人之敝廩足以庇風雨薄田足以具饘粥讀書談道足以自樂願明公正身以治天下使時和年豐通也受賜多矣不

願仕也大業末卒於家門人謚曰文中子初通謂弟勣等曰吾周之後也世習禮樂子孫當遇王者得中共道則儒業不墜其天乎其天乎通所著有禮論十卷樂論十卷續書二十五卷續詩十卷元經十五卷讀易十卷並未及行正觀初其弟疑子福時等收其議論分爲六部號曰王氏六經王氏雜錄又取薛收姚義所集門人對問之書勒成中說十卷杜淹始撰成文中子世家阮逸中說時尚書陳叔達方撰隋史弟續持世家授叔達編之值太尉長孫無忌與王氏有隙叔達亦避太尉之權藏而未出

徐曠字文遠博通五經明左氏春秋時著儒沈重講太學授業常千人文遠從之質問不數日辭去或問其故荅曰先生所說終上語耳若與境彼有所未見者尚何觀重知其語召與反復研辯嗟嘆其能曠性方正舉動純直李密王世充皆從受學太業初禮部侍郎許善心薦文遠及包禮褚徽陸德明魯達爲學官擢國子博士世稱左氏有文遠禮有褚徽詩有魯達易有陸德明皆時冠云高祖幸國學視釋奠文遠發春秋題詩贊生隨方曉對莫能屈帝異之卒年七十四孫有功自著傳陸元朗字德明以字行蘇州吳人善名理言受學於周弘正陳大建中後主爲太子集名儒入講承光殿德明始

冠與下坐祭酒徐孝克敷經倚貴縱辯衆多下之獨德
明申荅屢奪其說舉坐皆賞世充平秦王辟爲太學博
士高祖已釋奠石博士徐文遠淳層慧乘道士劉進喜
各講經德明隨方立義剖析其要帝大喜曰三人者誠
辯然德明一舉輒蔽可謂賢矣遷國子博士卒論撰甚
多傳於世後太宗閱其書嘉德明博辯以布帛三百段
賜之

曹憲仕隋爲秘書學士聚徒教授凡數百人公卿多從之
游於小學家尤邃自漢杜林衛宏以後古文亡絕至憲
復興隋煬帝令與諸儒譔桂苑珠叢規正文字又註廣
雅學者推其該博藏於秘書唐正觀中以弘文館學士

召不至即其家拜朝散大夫當世禁之時太宗嘗讀書有奇難字輒遣使者問憲憲具爲音註援驗詳復帝咨尚之憲始以梁昭明太子文選授諸生而同郡羅興公孫羅家夏李善相繼傳授於是其學興云

顏師古字籀其先瑯琊人少博覽精訓詁學善屬文仁壽中李綱薦之授安養尉高祖入關謁見長春宮校朝散大夫累遷中書舍人專典機密師古性敏給明練治體方軍國務多詔令一出其手冊奏之工當時未有及者太宗嘗嘆五經去聖遠傳習寔訛師古於秘書省考定多所釐正旣成悉詔諸儒議於是各執所習共非詰師古師古輒引晉宋舊文隨方曉荅義據該明出其悟表

人人歎服帝因頒所定書於天下學者賴之俄拜秘書
少監撰五禮成進爵爲子又爲太子承乾註班固漢書
上之時人謂杜征南顏秘書爲左丘明班孟堅忠臣時
帝將有事泰山詔公卿博士雜定其儀而論者多爲異
論師古奏撰定封禪儀注書諸儒謂爲適中於是付
有司多從其說從征遼道病卒其所注漢書急就章大
顯於時

孔穎達字仲達冀州人八歲就學誦記日千餘言及長善
屬文通步曆隋大業初舉明經高第授博士煬帝召天
下儒官集東都詔學士與論議穎達爲冠又年最少老
師宿儒耻出其下陰遣人刺之匿楊元感家得免時太

宗新即位穎達數以忠言進帝稱善除國子司業與諸儒議曆及明堂事多從其說以論撰勞加散騎常侍爵爲皇太子令穎達撰孝經章句因文以盡箴諷久之拜祭酒帝幸太學觀釋菜命穎達講經畢上釋奠頌有詔褒美後太子稍不法穎達爭不已乳夫人曰太子旣長不宜數面折之對曰蒙國厚恩雖死不惜則以愈至後致仕卒穎達與顏師古撰五經義訓凡百餘篇號義贊詔改爲正義云雖包貫異義詳博然其中不能無謬冗博士馬嘉運駁正其失子志終司業志子惠元力學寡言擢爲司業三世司業時人美之

張士衡瀛州樂壽人九歲居母喪哀慕過禮博士劉軌思

其操謂父慶曰古不親教子吾爲君成就之乃授以詩禮大業兵起諸儒廢學暨唐興士衡復講教於鄉里太子承乾慕風迎致謁見太宗洛陽宮帝擢爲崇賢館學士太子常問事佛營福其應柰何對曰事佛在清淨仁恕爾如貪婪驕奢雖傾財事之無益於福且善惡必報若影赴形聖人言之備矣爲君仁爲臣忠爲子孝則禍祚永及是而殃福至矣時太子以過失聞士衡因而規之然不能用也

王元感濮州人擢明經高第所撰書糾繆春秋振滯禮經愆等凡數十百篇上之魏知古見其書歎曰五經指南也而徐堅等情其異聞每爲助理魏知古之迷下詔褒

美以爲儒宗元感初著論三年之喪宜三十有六月譏
詆諸儒張東之破其說曰三年之喪二十五月由古而
然菽而小祥食菜果又菽而大祥食鹽醬中月而禫食
酒肉故仲由不能過制爲服孔鯉不能過菽哭毋名教
之嚴也當世謂東之言不說聖人而元感論遂廢

尹知章絳州翼城人少嗜學未甚詳解忽夢人持巨鑿破
其心驚寤志思間徹遂徧明六經諸生常講授者更北
而受大義轉國子博士馬懷素續定秘書奏知章是正
文字休沐講授未嘗輟性和厚人不見有喜愠未嘗問
產業其子欲廣市糴米爲歲中計知章曰如而計則貧
人何以取資且吾當應奪民利耶卒官所

者論說脩身求道之要作訓誡數言言彈琴賦詩澹然如平日居閒日而沒年四十七

張九成字子韶別稱無垢居士其先開封人徙居錢塘幼時父積善見旁命客就試子韶置卷欲罷曰精斲木末初無二致勿謂紙上語不足多下學上達某敢以聖賢為法諸老驚嘆曰真奇童乎也十四游郡庠閉閣終日寒折膠著燥金不越戶限比舍壅穴隙視之則歛膝危坐對置大篇若與神明伍乃相驚服而師尊之游京師從楊龜山學權貴托人致幣曰肯從吾游當薦之館閣子韶笑曰王良尚羞與嬖倖乘吾可為貴游客耶紹興二年上將策進士詔考官直言者置高第子韶對策畧曰禍亂之作天所以開聖人也願陛下以剛大為心無以憂驚自沮今閭巷之人皆知有父兄妻子之樂陛下貴為天子冬不得溫夏不得清昏無所定晨無所省感時

遇物悽惋於心而不思所以還二聖之車乎射策至晡未畢
紹璫促之子韶曰未也方談及公等上覽其對擢置第一策
中言及偽豫事豫聞之不勝其忿手劔以屬客子韶曰欺天
罔人惡積禍稔殆自斃矣校鎮東軍簽判未幾校檄歸子韶
既歸從學者日衆子韶遜辭不獲後出其門者多爲聞人趙
鼎薦於朝遂以太常博士召遷著作郎上言我宋家法曰仁
而已仁之發見尤在於刑陛下以省刑爲急而理官不以省
刑爲念願詔理官活幾人者與減磨勘從之除浙東提刑力
辭乃與祠以歸未幾復除宗正少卿兼權刑部侍郎嘗有所
奏上曰朕只是一箇誠子韶曰陛下對群臣時如此退居禁
中時如何上口亦只是箇誠子韶又問對宮嬪時如何上方
經營答語子韶奏云只此便是不誠一日論日食曰日食之
變本於惡氣惡氣之萌本於惡念上聳然曰誠在朕念慮間

齒甫於學廼詔無量升坐講勸百官觀禮卒年七十五
詔宰相曰無量朕師今其永逝宜用優典於是贈禮部
尚書謚曰文苑事官給所撰述百餘篇歿後在於書殿
得講史記至言十二篇上之帝嘆息

元澹字行冲以字顯博學尤通詰訓及進士第累遷通事
舍人狄仁傑器之嘗謂仁傑曰下之事上譬富家儲積
以自資也脯腊腸腴以供滋膳參朮芝桂以防疾疢門
下充肯味者多矣願以小人備一藥石可乎仁傑笑曰
君正吾藥籠中物不可一日無也景雲中授太常少卿
行冲以系出拓拔恨史無編年廼譔魏興三十篇事詳
文約學者尚之遷弘文館學士元宗自註孝經詔行冲

爲疏立於學官初魏光乘請用魏徵類禮列於經帝命
行冲與諸儒集議作疏將立之學廼引國子博士范行
泰等刊綴爲五十篇上於官於是張說建言戴聖所錄
向已千載與經並立不可罷魏孫炎始因舊書摘類相
比有如抄撮諸儒共非之至徵更加整次廼爲訓註恐
不可用帝然之行冲意諸儒開已因著論自辯名曰釋
疑卒謚曰獻

韓愈字退之唐修武人父仲卿爲武昌令有美政終秘書
郎退之生三歲而孤嫂鄭鞠之七歲好學言出成文比
長盡通六經百家學舉進士歷遷四門博士監察御史
德宗時極論官市怒貶陽山令有愛在民生子多以其

妙空之歷改職方員外郎疏論刺史陰黨華陰令復左
遷博士乃作進學解以自論執政覽之奇其才改比部
郎中史館脩撰轉考功知制誥進中書舍人初憲宗將
平蔡命御史中丞裴度使諸軍按視及還言賊可滅退
之奏同與宰相議不合改太子右庶子後度以宰相節
度彰義軍奏愈行軍司馬遂請乘虛先入汴說韓弘使
協力卒擒元濟遷刑部侍郎憲宗遣使者往鳳翔迎佛
骨入禁中三日乃送佛祠王公士人奔走膜唎至爲夷
法灼體膚委珍貝騰胥道路退之間而惡之乃上表請
付水火帝大怒將抵以死裴度崔群爲言乃貶潮州刺
史旣至潮以表哀謝帝得奏頗感悔欲復用之皇甫鐸

素忌其直奏且內移改遠州刺史召拜國子祭酒轉兵部侍郎又吏部侍郎穆宗長慶四年卒年五十七贈禮部尚書謚曰文退之性明銳不諛隨與人交終始不變成就後進士徃徃知名族姻友舊不自立者必待衣食嫁娶喪葬嫂鄭喪爲服林以報所著有原道原性師說等數十篇皆與衍宏深與孟子相表裏以左右六經昔孟子距楊墨去孔子纔二百年退之排佛老二家乃去千餘歲撥衰反正功與齊而力倍之自退之沒其言大行學者仰之如泰山比斗云宋仁宗元豐七年從祀孔廟追封昌黎伯

啖助字叔佐趙州人後徙河中澄該經術天寶末調臨海

剡善爲春秋考三家短長號集傳復攝其綱條爲例統
助愛公穀二家以左氏解義多謬其書廼出於孔氏門
人且論語孔子所引率前世之老彭伯夷等類非同時
而言左丘明耻之丘亦耻之丘明者蓋如史佚遲任者
又左氏傳國語屬綴不倫序事乖刺非一人所爲蓋左
氏集諸國史以釋春秋後人謂左氏傳著非也助門人
趙康陸質其高弟也助卒質與其子異錄助所爲春秋
集註總例請康損益質纂會之號纂例康字伯循質所
稱爲趙夫子者大曆時助康質以春秋施士句以詩仲
子陵素業常彤常范以禮蒸廣成以易彊蒙以論語皆
自名其學而士句于陵最卓異士句撰春秋傳未甚傳

後文宗喜經術宰相李石因言士句春秋可讀帝曰朕見之矣穿鑿之學徒爲異同但學者如浚井得泉而已何必勞苦旁求然後爲得